

Cov Lus Nug Uas Nquag Nug Txog Cov Khoom Kuaj Kab Mob COVID-19 Uas Tau Tag Sij Hawm Lawm

Tsis txhob muab koj cov khoom kuaj kab mob COVID-19 uas tseem nyob pov tseg. Ntawm no yog cov hauv kev los paub txog tias seb koj qhov khoom kuaj kab mob COVID-19 puas tseem zoo siv tom qab hnuv tim tag sij hawm uas tau teev tseg rau hauv lub npov.

Puas yog kuv tseem tuaj yeem siv tau qhov khoom kuaj kab mob COVID-19 uas tag sij hawm lawm?

Yog. Washington State Department of Health (DOH, Xeev Washington Lub Tuam Tsev Hauj Lwm Ntsig txog Kev Noj Qab Haus Huv) tau nthuav tawm qhov [kev pom zoo uas raug raws cai rau qhov kev siv cov khoom kuaj uas tau tag sij hawm lawm](#) (ua Lus Askiv) mus kom ntev li ntev tau thaum uas qhov khoom kuaj dhau qhov kev ntsuam xyuas kev tswj qhov siv tau zoo, uas peb tau piov qhia hauv qab.

Dhau li no lawm, qee cov khoom kuaj kab mob COVID-19 kuj tau txais cov kev txuas sij hawm khaws cia los ntawm U.S. Food and Drug Administration (FDA, Tebchaws Meskas Lub Chaw Tswj Khoom Noj thiab Tshuaj Kho Mob), uas muab cov hnuv tim tag sij hawm tshiab rau cov khoom kuaj ntawd uas txawv li qhov koj pom nyob rau hauv lub npov. Koj tuaj yeem saib tau [FDA daim npe cov khoom kuaj uas tau txuas sij hawm khaws cia](#) (ua Lus Askiv thiab Lus Xab Pes Niv) txhawm rau saib seb cov khoom kuaj uas muaj hnuv tim tag sij hawm puas tau hloov kho dua tshiab. Txawm tias tam sim no qhov khoom kuaj muaj hnuv tim tag sij hawm nyob rau yav tag los - los xij, raws li DOH, koj tseem tuaj yeem siv tau qhov khoom kuaj yog tias nws dhau qhov kev ntsuam xyuas kev tswj kev siv tau zoo.

Cov lus tseem ceeb: Koj tuaj yeem siv tau qhov khoom kuaj uas tau tag sij hawm mus kom ntev li ntev tau thaum nws dhau qhov kev ntsuam xyuas qhov siv tau zoo ntawm nws.

Kuv yuav paub tau li cas tias qhov khoom kuaj kab mob COVID-19 uas tau tag sij hawm lawm yuav muab tau cov tshwm sim uas raug rau kuv?

Koj qhov khoom kuaj kab mob COVID-19 yuav los nrog rau cov lus qhia txog cov kauj ruam uas yuav tsum tau ua txhawm rau ua kom ntseeg siab tias yeej ntseeg tau tias qhov khoom kuaj tseem siv tau tiag, los kuj tau hu ua "kev tswj qhov siv tau zoo." Feem ntau lawm koj yuav pom txheej txheem kev tswj qhov siv tau zoo nyob rau hauv tshooj qhov tshwm sim tawm los ntawm kev kuaj nyob rau hauv daim ntawv cov lus qhia rau qhov khoom kuaj. Txheej txheem kev tswj qhov siv tau zoo rau ntau cov khoom kuaj ntawm tsev yog tsuas ua kom ntseeg siab tias kab tom ntej ntawm "C" uas tau sau nyob rau hauv daim kuaj yuav tshwm tuaj thaum qhov qauv raug rau kab ntawd. Yog tias thaum txheej txheem kev kuaj ua tsis tau hauj lwm, koj tsim nyog muab pov tseg tag nrho qhov khoom kuaj.

Qhov khoom kuaj yuav tau txais kev txuas sij hawm khaws cia li cas?

Cov chaw tsim cov khoom kuaj kab mob COVID-19 yuav tsum tau ua cov kev tshawb fawb uas qhia pom tias qhov khoom kuaj ntawd tuaj yeem siv tau ntev npaum cas. FDA yuav soj qab taug xyuas cov ntaub ntawv no txhawm rau muab kev pom zoo rau cov hnuv tim tag sij hawm uas tau txuas. Cov kev txuas sij hawm khaws cia cov khoom kuaj kab mob COVID-19 yog teeb meem li ib txwm vim yog cov ntaub ntawv qhia ntiv txog ncuaj sij hawm ntev uas tuaj yeem siv tau cov khoom kuaj no.

Peb vam tias cov ntaub ntawv no yuav ua rau koj muaj kev ntseeg siab thaum siv cov khoom kuaj uas saib zoo li tag sij hawm lawm uas saib raws li hnuv tim tag sij hawm nyob rau hauv lub npov. Tam sim no koj paub txog tej yam uas yuav tau ua lawm txhawm rau saib seb koj qhov khoom muaj kab mob COVID-19 puas tseem zoo siv: tsuas yog ua raws li cov lus qhia rau qhov khoom muaj rau kev tswj qhov siv tau zoo. Yog tias qhov khoom kuaj dhau qhov kev tswj kev siv tau zoo, ces nws tseem muaj kev nyab xeeb thiab zoo siv.

Ua tsaug rau nej txhua tus uas ceev peb li kev nyab xeeb thiab kev noj qab nyob zoo ntawm peb lub zej zog!

Xav thov cov ntaub ntawv no sau ua lwm tus qauv ntawv, hu rau 1-800-525-0127. Cov neeg thov kev pab uas tsis hnov lus los sis hnov lus tsis zoo, thov hu rau 711 (Washington Relay) los sis sau email rau civil.rights@doh.wa.gov.